

**Қорақалпоғистон Республикаси Вазирлар Кенгашида
2025-йил I чорак давомида коррупцияга қарши курашиш тизимининг
амал қилиши ҳақида
УМУМИЙ ҲИСОБОТ**

I. Қорақалпоғистон Республикаси Вазирлар Кенгашида коррупцияга қарши чора-тадбирлар дастури бажарилгани тўғрисида умумий ахборот

Қорақалпоғистон Республикаси Вазирлар Кенгаши Раёсат мажлисининг 2025-йил 3-март кунги 01-12/03-03/209-сон баёни 23-иловасига мувофиқ Коррупцияга қарши ички назорат бўлимининг 2025-йил 1-ярим йиллик иш режаси тасдиқланди.

Шунингдек Қорақалпоғистон Республикаси Коррупцияга қарши курашиш ҳудудий кенгашининг 2025-йил 1-ярим йиллик иш режаси ҳам раҳбарликка олиниб, бугунги кунда ижросини таъминлаш бўйича ишлар ташкил этилган.

Коррупцияга қарши курашиш ва унинг олдини олиш мақсадида Вазирлар Кенгаши, идоралар ва туман (шаҳар) ҳокимликлари ходимлари орасида мунтазам тушунтириш ва тарғибот тадбирлари ўтказиб борилмоқда.

II. Сиёсат ва тартиб-таомиллар

Вазирлар Кенгашининг 2022-йил 20-октябрдаги 505-13-0-Q/22-сонли қарори билан Қорақалпоғистон Республикаси Вазирлар Кенгаши аппарати ходимларининг одоб-ахлоқ қоидалари тасдиқланди.

Шунингдек Вазирлар Кенгашининг 2024-йил 5-январдаги 9-13-0-Q/24-сонли қарори билан Вазирлар Кенгашининг:

- коррупцияга қарши курашиш бўйича сиёсати;
- коррупциявий хавф-хатарларни баҳолаш услубиёти;
- манфаатлар тўқнашувини бошқариш бўйича низом;
- алоқа каналлари орқали коррупциявий хатти-ҳаракатлар тўғрисида келиб тушган хабарларни қабул қилиш ва кўриб чиқиш регламенти;
- ходимларининг этика ва коррупцияга қарши курашиш соҳасида ўқитилишини ташкил қилиш бўйича йўриқнома;
- контрагентларни текширишга оид йўриқнома;
- ишга қабул қилинаётган номзодларни текшириш бўйича йўриқнома;
- коррупцияга қарши тартиб-таомилларнинг самарадорлигини мониторинг ва назорат қилиш услубиёти;
- коррупцияга қарши кураш тизимининг ҳолати тўғрисидаги ҳисоботни шакллантириш ва тақдим этиш бўйича низом;
- ходимларининг коррупциявий хатти-ҳаракатлари ва одоб-ахлоқ қоидаларини бузиш ҳолатлари устидан хизмат текширувлари ўтказиш бўйича Регламенти тасдиқланган.

2024-йил 24-декабрь куни Вазирлар Кенгашнинг 821-13-0-Q/24-сон қарори билан “Қорақалпоғистон Республикаси Вазирлар Кенгаши ва унинг тизимида ходимларни ишга қабул қилиш чоғида танлов ўтказиш тартиби тўғрисида”ги Низоми тасдиқланди.

III. Хавф-хатарларни баҳолаш

Қорақалпоғистон Республикаси Вазирлар Кенгаши Раисининг топшириғига асосан Вазирлар Кенгаши ходимларининг функция ва вазифаларидаги коррупциявий хавф-хатарларни дастлабки баҳолаш ўтказилди.

Дастлабки баҳолаш жараёнида Вазирлар Кенгаши бошқарув аппарати барча ходимлари ва уларнинг қонунчилик ҳужжатларида белгилаб қўйилган жами 89 та функция ва вазифалари таҳлил қилиниб, коррупция хавф-хатари мавжудлиги баҳолаб чиқилди ва коррупциявий хавф-хатарлар бирлашган харитаси ишлаб чиқилди. Харитага кўра, 17 та таркибий бўлинмаларда 89 та лавозимларда коррупция хавф-хатарлар баҳоланди.

Мазкур функция ва вазифалардаги коррупция хавф-хатарини бартараф этиш мақсадида, коррупцияга энг кўп мойил бўлган лавозимлар рўйхати шакллантирилди.

IV. Амалга ошириладиган коррупцияга қарши курашиш Манфаатлар тўқнашувини тартибга солиш:

Вазирлар Кенгашида манфаатлар тўқнашуви декларацияланган ва тартибга солинган бўлиб, барча ходимларидан йиллик манфаатлар тўқнашуви ҳолатлари мавжуд манфаатлар тўқнашуви ёки ходимнинг эҳтимолий манфаатлар тўқнашуви тўғрисидаги декларацияси тўлдирилди.

Шунингдек, манфаатлар тўқнашувини бошқариш бўйича тегишли ички идоравий ҳужжатга асосан ходимлар томонидан ҳисобот даврида тўлдирилган манфаатлар тўқнашуви бўйича декларациялар тегишли масъуллар томонидан таҳлил қилинди.

Таҳлил натижаларига кўра ҳисобот даврида Вазирлар Кенгашида манфаатлар тўқнашуви ҳолатлари аниқланмади.

Шу билан бирга, Вазирлар Кенгаши тизимида контрагент томонидан коррупцияга қарши қоидалар бузилиши ҳолатлари содир этилмаганлиги сабабли шартномалар бекор қилинмаган.

Контрагентларни текшириш:

2025-йил I чорак даврида Вазирлар Кенгаши томонидан та ҳолатда танланма усулда тегишли масъуллар билан ҳамкорликда ўрганиш тадбирлари ўтказилди. Ўтказилган текшириш натижасида уларнинг фаолияти блокланмаганлиги, чекловлар ўрнатилмаганлиги, манфаатлар тўқнашуви ҳолатларини келтириб чиқармаганлиги сабабли, харид жараёнларида иштирок этишга ижобий хулосалар берилганлиги аниқланди.

V. Таълим ва коммуникация

Вазирлар Кенгашининг коррупцияга қарши ички назорат бўлими томонидан ҳар ҳафтанинг жума кунлари сиёсий ўқиш (маърифат соати) тадбирлари доирасида онлайн ва бевосита шаклларда семинарлар ташкил этилиб, ходимларнинг фаол иштироки таъминланди.

Давлат хизматчиларининг коррупцияга қарши курашишдаги ҳуқуқий онги ва саводхонлиги доимий ошириб бориш амалиёти йўлга қуйилди.

Шаҳар ва туманлар ҳокимликлари ходимларининг ҳуқуқий билимлари жори йилнинг 6-январидан 7-февраль кунлари оралиғида ўқув семинарлар оффлайн тарзда ўтказилди.

Вазирлар Кенгашининг Коррупцияга қарши ички назорат бўлими ва жойлардаги адлия бўлимлари билан биргаликда жорий йилнинг 7, 8, 15-январ ва 28-феврал кунлари Вазирлар Кенгаши, шаҳар ва туман ҳокимликлари ходимлари ҳамда тегишли соҳа вакилларининг коррупцияга қарши ички назоратни амалга оширишга масъул бўлган ходимлари учун ўқув-семинарлар ташкил этилиб, “Ҳуқуқий билимлар куни” ва “Сиёсий маърифат соати” тадбирлари ўтказилди.

Вазирлар Кенгашида жорий йилнинг 14-март куни Ўзбекистон Республикаси Президентининг жорий йилнинг 5-март куни “Коррупциянинг олдини олиш бўйича ишлар самарадорлиги ва келгусидаги устувор вазифалар”га бағишланган Коррупцияга қарши курашиш Миллий кенгашидаги маърузасида белгиланган вазифа ва топшириқларнинг мазмун-моҳиятини тушунтириш ва мулоқот қилишга қаратилган ўқув-семинари вазирликлар, туман, шаҳар ҳокимликлари ва бошқа мутасадди ташкилотлар ходимлари иштирокида бўлиб ўтди.

Ўзбекистон Республикаси Президентининг Коррупцияга қарши курашиш Миллий кенгашидаги маърузасининг мазмун-моҳиятини очиқ бериш ва белгилаб берган вазифалар ҳақида - Вазирлар Кенгашининг Коррупцияга қарши ички назорат бўлими бошлиғи Б.Матмуратовнинг радиого берган суҳбати Вазирлар Кенгашининг Karakalpakstan.uz (t.me/QresMinistrlerKenesi) расмий телеграм каналига жойлаштирилди ва “**Korrupciyağa qarsı mawasasız güres jaña basqışqa kóterilmekte**” номли мақоласи «Еркин Қарақалпақстан» газетасининг 2025-йил 25-март кунги (№4-35-36(21214) сонида ҳамда “**Korrupciyağa qarsı güres ulıwma milliy háreketke aylanıwı tiyis**” номли мақоласи Бердақ номидаги Қорақалпоқ давлат университетининг Ахборотномаси (№1(68). Нукус, 2024. 297-300-бетлар) да эълон қилинди.

Ўзбекистон Республикаси Президентининг 2021-йил 16-июндаги ПФ-6247-сонли Фармонида белгиланган ижтимоий аҳамиятга молик 27-банд бўйича маълумотлар Вазирлар Кенгашининг расмий веб-сайтида ва “Очиқ маълумотлар порталига” киритилиши таъминланди.

VI. Коррупциявий хатти-ҳаракатлар ва ҳуқуқбузарликлар тўғрисида хабарлар:

Ҳисобат даврида Вазирлар Кенгашининг мурожаатлар билан ишлаш бўлимига ҳамда коррупция ҳолатлари ҳақида хабар беришга мўлжалланган алоқа каналларига шаҳар ва туманлар ҳокимликлари ходимлари устидан коррупция фактларига доир мурожаатлар келиб тушмади.

VII. Мониторинг ва назорат:

Ҳисобот даврида коррупцияга қарши тизимининг актуаллиги ва унинг қонунчилик талаблари, шу жумладан, халқаро стандартлар талабларига мувофиқлиги мониторинги бўйича шаҳар ва туманлар ҳокимликларида одоб-ахлоқ қоидалари ҳамда коррупцияга қарши курашиш бўйича ишлаб чиқилган бошқа ички идоравий ҳужжатларга риоя этилиши юзасидан мунтазам равишда мониторинглар ўтказилиб борилмоқда.

Шунингдек, шаҳар ва туманлар ҳокимликлари ходимларига, коррупцияга қарши курашишнинг устувор йўналишлари, давлат хизматчиларида коррупцияга нисбатан муросасиз муносабатни ва унга қарши курашиш бўйича ижобий ҳулкни шакллантириш мавзусида ўқув семинарлари ташкил этилди.

VIII. Аниқланган қоидабузарликлар ва уларга таъсир чоралари:

Вазирлар Кенгаши томонидан коррупцияга қарши курашиш ҳамда унинг олдини олиш бўйича ички идоравий ҳужжатлар ишлаб чиқилган. Бугунги кунда, Вазирлар Кенгаши ходимлари томонидан коррупциявий жиноятлар содир этилмаган ҳамда коррупцияга қарши курашишга оид қонунчилик ва ички идоравий талаблар бузилмаган.

Вазирлар Кенгашида коррупцияга қарши курашиш бўйича талабларнинг бузилганлиги тўғрисида ахборот келиб тушмаганлиги ва қоидабузарликлар аниқланганмаганлиги сабабли ходимларга нисбатан таъсир чоралар кўрилмаган.

IX. Ҳулосалар:

Вазирлар Кенгашининг Коррупцияга қарши ички назорат бўлими томонидан ҳуқуқни муҳофаза қилиш органлари билан ҳамкорликда, шаҳар ва туманлар ҳокимликларида коррупцияга қарши курашиш ҳамда унинг олдини олиш мақсадида, ходимлар ўртасида семинарлар ўтказилиб келинмоқда. Олиб борилган тарғибот тадбирлари натижасига кўра бугунги кунда шаҳар ва туманлар ҳокимликлари ходимлари томонидан коррупциявий жиноятлар содир этилмаган ҳамда коррупцияга қарши курашишга оид қонунчилик талаблари бузилмаган.

X. Коррупцияга қарши курашиш тизимини янада ривожлантириш бўйича таклифлар ва тадбирлар режаси:

Вазирлар Кенгаши бошқарув аппаратида бир нафар коррупцияга қарши ички назорат бўлими мавжуд бўлиб, ушбу бўлим Вазирлар Кенгаши ҳамда шаҳар ва туманлар ҳокимликларида коррупция ҳолатларини барвақт аниқлаш ва олдини олиш, уларнинг сабаб ва шарт-шароитларини бартараф этиш,

манфаатлар тўқнашувига йўл қўймаслик ҳамда коррупцияга нисбатан муросасиз муносабатни шакллантириш чораларини қўришга масъул ҳисобланади.

Коррупцияга қарши ички назорат бўлими томонидан шаҳар ва туманлар ҳокимликларида коррупция ҳолатларини барвақт аниқлаш ва олдини олиш, уларнинг сабаб ва шарт-шароитларини бартараф этиш юзасидан чоратадбирлар режаси ва 2024-йилга мўлжалланган коррупцияга қарши курашиш бўйича Дастури ишлаб чиқилиб, ушбу дастурда берилган топшириқларнинг ўз муддатларда бажарилиши тўлиқ назоратга олинган.

Вазирлар Кенгашининг
ташкилий-кадрлар гуруҳи раҳбари



Р.Рыснazarов